



NATIONAL SENIOR CERTIFICATE EXAMINATION
NOVEMBER 2017

ISIZULU ULIMI LWASEKHAYA: IPHEPHA II
ISIZULU HOME LANGUAGE: PAPER II

Isikhathi: Amahora ama-3

Amamaki ayi-100

QAPHELA LOKHU OKULANDELAYO

1. Leli phepha linamakhasi ayi-5. Qiniseka ukuthi nelakho liphelele.
 2. Qala isiqephu nesiqephu ekhasini elisha. Ungaqala nganoma yisiphi isiqephu kodwa kufanele imibuzo yeziqephu ungayixovi.
 3. Bhala izinombolo zemibuzo zihambisane nezisephepheni lokuhlolwa.
 4. Fundisisa imibuzo ngaphambi kokuphendula.
 5. Bhala ngesandla esifundekayo, uhlele ngobunono umsebenzi wakho.
-

ISIQEPHU A IMIBHALO**AMAQILI: P. B. MAPHUMULO**

Bhala **i-esityi** ezoba nezigaba ezine kuya kwezinhlano, amagama esewonke abe phakathi kwangama-250 kuya kwangama-300.

Ohlolwayo uzoklonyeliswa uma eqaphelisisa okulandelayo:

- Ukuhleleka kwe-esityi.
- Ukusebenzisa ulimi oluhle nolunothile.
- Ukukhombisa ulwazi lwendaba engqikithini yempendulo.
- Ukukhetha ngokunembayo amagama nokubhalwa kwawo kahle.

UMBUZO 1

**QAPHELA Phendula umbuzo OWODWA kwelandelayo.
Phendula umbuzo 1.1 NOMA umbuzo 1.2.**

1.1 Funda ingxoxo ecashuniwe ezokusiza ukuphendula umbuzo ongezansi:

Cele:	HHayi. Ubabaza ubala wena Mkhabela. Kubikwa udaba olufanayo futhi nakulo mkhumbi othwala impahla osuke uqhamuka phesheya. Kuthiwa izingxenye ezithile zemizimba yezimoto njengezinjini nje kanje, azibe zisafinyelela egalaji ziphelele. Kuthiwa umkhonyovu usolakala lapha esikhumulweni nxashane sekuthululwa impahla.
Dlomo:	(umangele) HHayi bo! Musa ukungethusa wena bo!
Cele:	Hhiya. Sengathi usheshile ukwethuka mlingani wami. Ufika nje wena kade kungena ucingo khona manje. Lolu cingo beluqhamuka komunye wamalunga omphakathi ohlala komunye wemijondolo eseduze kwasefemini yezimoto eSiphingo.
Dlomo:	Woza nazo Sayitsheni.
Cele:	Kuthiwa bebesazenamele kahle abantu beNkosi emijondolo yabo bephuza kuya le nale, kwazise phela bebeqalisa impelasonto ...
Dlomo:	E ...
Cele:	Kuthiwa bebelokhu bebona isithunzi somuntu sishona phansi sivumbuka.

Bhala i-esityi uchaze futhi ukhombise ukuthi kulo mdlalo ubugebengu buphazamisa kanjani inhlalakahle nenqubekela-phambili yomphakathi. Sekela wonke amaphuzu akho ngezibonelo ezitholakala emdlalweni othi: Amaqili.

Phakathi kokunye ungabhekisa kulokhu:

- Abalingiswa abathintekayo.
- Izehlakalo zobugebengu emdlalweni nomthelela emphakathini.
- Ukugqama kobubi bobugebengu kulo mdlalo.

[30]

NOMA

1.2 Funda ingxoxo ecashuniwe ezokusiza ukuphendula umbuzo ongezansi:

Kuzwakala behleka ngendlela ekhombisa ukwenama

Simonyo: Ngiyabonga Njivana mfowethu. Mzila! Mawewe! Ungifundisile wena ukuthi kufanele kuphiliswane kanjani lapha emhlabeni. Ngokunjalo, ngezenzo nangenkambo, ungikhombisile wena mfowethu ukuthi akukho qili lazikhotha emhlane. Sekusele ukuthi ungibizele umfundisi wami, uShozi, ukuze ngihlambuluke nakuye. Ngiphenduke ngiznikele enkosini. Ungishayile umhlaba mfowethu. Sengiyihlamvu ngempela uma nginje.

Njivana: Kanti-ke ungakhathazeki wakithi. Ngizokubizela mina umfundisi wakho njengokwesicelo sakho.

Simonyo: Ngicabanga ukuthi sengiqedile nawe Njivana. Ngiwedlulisile nomyalezo wami kuwe. Ngijabulile ...

Bhala i-esityi uchaze kahle ukuthi inkulumo-mpendulwano imqoka kanjani emdlalweni: *Amaqili*.

Phakathi kokunye thinta:

- Ngabalingiswa.
- Amaphuzu ngokubaluleka kwenkulumo-mpendulwano.
- Ukugculiseka kwakho ngenkulumo-mpendulwano kulo mdlalo.

[30]

ICOBELO: A. M. MTHEMBU NO N. A. P. KHUMALO**QAPHELA Phendula umbuzo OWODWA kwelandelayo.
Phendula Umbuzo 2 NOMA Umbuzo 3.**

Bhala **i-esityi** ezoba nezigaba ezine kuya kwezinhlanu, amagama esewonke abe phakathi kwangama-300 kuya kwangama-350.

Ohlolwayo uzoklonyeliswa uma eqaphelisisa okulandelayo:

- Ukuhleleka kwe-esityi.
- Ukusebenzisa ulimi oluhle nolunothile.
- Ukukhombisa ulwazi lwendaba engqikithini yempendulo.
- Ukukhetha ngokunembayo amagama nokubhalwa kwawo kahle.

UMBUZO 2

Funda amazwi acashunwe endabeni ethi: **Izitha zevangeli** bese **ubhala i-esityi** ngemibuzo engezansi:

Uthe esehambahambile, wethuka esemile, enikina ikhanda. Waphumisela umbuzo othi, "Mina mhedeni ngizuzeni ezenzweni zala makholwa?"

- Amazwi acashuniwe ngenhla ahambisana kanjani nesihloko sendaba?
- Indikimba nomyalezo okule ndaba kuyahambisana yini nokwenzeka emphakathini?

[30]**NOMA****UMBUZO 3**

Funda amazwi acashunwe endabeni ethi: **Intokazi yesigubhu** bese **ubhala i-esityi** ngemibuzo engezansi:

"Waphuma ngokushesha uZenzozakhe. Savaleka ngomfutho isivalo. Wethuka kakhulu lapho esebona sekusebusuku ngaphandle. Manini?"

- Uthini umbono wakho ngokukholakala kwale ndaba emfushane?
- Indaba ihambisana kangakanani nesihloko?

[30]

Amamaki angama-60

ISIQEPHU B UKUBHALELA IZIMO EZITHILE

Ohlolwayo uzoklonyeliswa uma eqaphelisisa lokhu okulandelayo:

- Isakhiwo sombhalo.
- Ulimi oluhle, olunothile noluhambisana nezimiso zolimi.
- Ingqikithi ekhombisa ulwazi lombhalo nokuziqambela.
- Irejista, izethameli, ithoni nesitayela okufanele.

UMBUZO 4

Bhala ngamagama ayi-150 kuya kwayi-180.

Wena unguSihlalo weKomidi elibhekele ukuqokelelwa kwezimali zokwakha indlu yesonto lenu. Ninomcimbi wesidlo sasekuseni noSomabhizinisi bangakini ukucela izimali. Bhala **inkulumo elungiselelwe** ozoyethula kulo mcimbi.

[20]

UMBUZO 5

Bhala ngamagama ayi-150 kuya kwayi-180.

Izenzo zomngani wakho zikukhombisa kahle ukuthi ngempela amathanga ahlanzela abangenamabhodwe. Mbhalele **i-email** umbonise.

[20]

Amamaki angama-40

Amamaki esewonke ayi-100